



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Was im namen des || Heiligen Euangeli vnser Herrenn ||  
Jesu Christi/ ietzund zů Bon[n] jm Stifft Cöllen/|| gelehret  
vnnd geprediget würdt.||**

**Bucer, Martin**

**Bonnæ, [1543]**

**VD16 B 8955**

Vom Glauben/ Zucht/ Lieb/ Geduldt/ Hoffnung/ vnnd gůten wercken.

**urn:nbn:de:hbz:466:1-36817**

lebest etc. Vnd der Herz durch Jesaiam/ So jr wölles,  
vnd hören werden/ werdt jr das güt im land essen/ wo  
jr nit wöllet/ vnd werdt wider spenstig sein/ wird euch  
das schwerdt verzeren.

In dē allen nun so vorgesetzet/ sibet ein jeder Christ  
wol/ das ich keinē todten vñ wercklosen/ oder zeitliche  
vnd vergenglichen glauben an Christum/ sonder einē  
lebendigen/ wirkenden/ beständigen vnd verharrende  
glaubenn lehre. Der auß solcher erleuchtung/ berichte  
vñnd lehr des H. Geystes komet/ eingewürcket wirdt/  
vnd bestat/ auß deren der mensch dem H. Euangelio/  
vnd allen Gottes Worten/ waren / onzweyfelten / wir-  
ckenden glauben gibt/ Vñnd auß den selbigen/ Gott in  
vnserem Herzen Christo so eygentlichen vñnd wirkli-  
chen erkennet/ als seinen schöpfer/ erlöser/ vñ heylandt  
in zeitlichen vnd ewigen/ Das er auch nottwendiglich  
alles sein vertrauen vnd hoffnung vff in allein setzet/  
Vnd das also/ das er in auch nottwendig ob allen für-  
chtet vnd liebet/ vñ sich in gänzliche gehorsame seiner  
gebot begibet. Erzündet alda mitt auß dem selbigen  
geyst des glaubens / in warer thetiger liebe gegen dem  
nechsten/ die alles guts wirket/ vñ das gesetz erfüllet/ 1. Tim. 1  
als das end alles gebotts vnd Göttlicher lehre.

**S** Als vierde so vermane ich auch vñ bezeuge mit  
allem vleyß das die leut diese so grosse onauß-  
sprechliche gnad/ verzeyhung der sunden/ die  
Kindtschafft/ vnd das erbe Gottes inen in Christo vn-  
serem Herze vß lauter barmherzigkeit zugestalt nicht  
vergeblich annemenn/ sonder das sie die in inen selb er- 1. Cor. 6  
b ij wecken/



2. Cor. 7 wecken / vnd der selbigen mit allem anhalten geleben /  
sich selbs reinigen von aller befleckung des fleysches  
vnd geysts / vollenden ire heyligung in der forcht Got-  
tes. Ja volbringen jr heyl mit forcht vñ zitteren / wäds  
Philip. 2 len gemess irer himlischen berueffung / tödten / creuzi-  
Gala. 6 gen vnd zihen genzlich ab den alten menschen / mit sei-  
Theff. 4 nen betrüglischen vñ vnderblichen lüsten / begirden  
Coloff. 3 vnd wercken / vnd ziehen jmer meer an den neuen men-  
Rom. 13 schen / der nach Gott geschaffen ist / in warhaffter ge-  
rechtigkeyt vnd heyligkeyt.

Damit sie alle gaben Gottes / jr seel / leyb / eer vñnd  
gütt / gunst vnd freundschaft / vnd alles das in güts  
jimmer mag fürstohn / allein zum preys Gottes vñnd  
fordrung seynes reychs / mit bester maß / zucht / heylig-  
keyt / vnd das sie zu allen heyligen nützlichen diensten  
des Herze an dē nechsten / nach jedes berueff vñ gebot /  
geschickter / vermöglicher vnd fertiger werden / anles-  
gen / gebrauchē vñ üben / in dē allen vberflus / mütwil-  
len vñ pracht genzlich abgeschnitten vñ vermitten.

Vnd dan sich gegē der Oberkeyt mit allē gepürēden  
verehre / warhaffter vnderthenigkeyt / vñ gehorsame  
gegen den anderē nechste / nach eines jedē berueff / ver-  
wandschaft / gepür vñ notturfft / in aller lieb / vñ mit  
allē möglichen heyligē diensten vñ gütten wercken be-  
weyfen vñ verdient machen / vñ all jr heyl vñ wolfart /  
mit höchsten trewen beforderē / Vnd daruber von jnen  
vnd anderē / alles das mit gedult leyden vnd vertragenē /  
Rom. 12 was jnen vngleyches vñ arges jimmer begegnen mag /  
Ephe. 4 auch alles solches irer nechste arges / mit irē guten zu  
Coll. 3 vberwindē / sich in aller sanftmuert vñ liebe besleyssen.

Auff



Auff das also jr liecht/ des waren glaubens an Chri- <sup>Mat. 5</sup>  
stum/ durch die liebe sich so thetig herfur thue/ vnd ab-  
len denen vmb die sie sein/ vñ mit denen sie zu thun ha-  
ben/ so helle vnd starck leuchte/ das/ so sie dise ire recht  
warē gütten werck (die meniglich zu warē gutten vñ  
frömen dienen/ vñ freylich jederman gern gegē jm selb  
geübet zu werdē begeret/ die auch d̄ Herre allein gebewo-  
tet) sehē/ vñ deren genieffen/ Gott dem Vatter in Chri-  
sto vnserē Herre/ lobē vñ preysen/ vñ sich jm auch erge-  
ben/ der solche gütte beum vnd rebzweyg gepflanget/ <sup>Mat. 7</sup>  
vnd so fruchtbare zweyge dem waren weinstock einges- <sup>Joh. 15</sup>  
ümpfet/ an jm reiniget vnd fruchtbar machet.

**Z**um funfften/ so lehre vñ bezenge ich auch/ ob wol  
alle diese gütte werck/ lautere gabē vñ werck Chri- <sup>Phil. 2</sup>  
sti in vns sind/ als der alles guttes wöllē vñ thun  
in vns wircket/ das sie dēnoch der Herre/ nach dem wir  
die thun/ auß warē glauben an jn/ vnd also auß selb ge-  
neygtem vnd guttē willen/ vnd frey erwehleten/ vñnd  
gantz gewöltē thun/ vß seiner freyen vñnd von vns  
vñnd verdienten barmherzigkeyt vnd gütigkeit/ vñnd  
vmb vnseres Herren Christi seines geliebten sons willē  
(in dem er vns / vñnd alles das er in vns wircket/ wie  
mangelhafft das selbige vnserthalben ist/ lieb vnd an-  
genem gemacht hat) vberreychlich belohnen will/ mit  
gnedigem abwenden alles verdienten argen/ vnd milt-  
ter mehruung geystlicher vnd leyplicher gütter/ hie vñ  
in künfftigem leben/ vnd vff seinē groß herrlichē tag/  
da er jedem vergelten will/ nach seinem thuen.

Dabey ich aber billich vñ vß nōttē alweg auch dz be-  
zeuge